

LEONTODON GRÆCUM Boiss. et Heldr.

L. perenne totum pilis brevissimis apice 3-5 furcatis canescens asperulum, rhizomate indurato basi nudo ramoso cæspitoso, foliis omnibus radicalibus lanceolatis pinnatipartitis vel profundè pinnatifido-sublyratis segmentis triangularibus vel angustè linearì-lanceolatis acutis terminali majori acuto, caulis scapiformibus folia plures superantibus monocephalis rariùs dicephalis præter squamulam linearem nudis sub capitulo demùm clavato-incrassatis, involuci squamis adpressiusculis ab infimis brevioribus ad interiores sensim auctis linearibus acutis ad totam faciem exteriorem pilis minimis ramosis pulverulento-puberulis inferioribus prætereà secùs lineam medium pilis furcatis elongatis obsitis, ligulis subtùs pallidè rubellis involucro sesquilongioribus, acheniis cylindricis supernè attenuatis erostratis tuberculato-scabris pappo albo eis breviori superatis, pappi setis omnibus a basi plumosis exterioribus subbrevioribus.

Hab. in montibus Græciæ, *Lycabetto, Pentelico*. (Spruner. Boiss.)

Var. β *alpinum*. — Omnibus partibus minùs, indumentum magis griseum minùs abbreviatum, capitula minora et achenia paulò magis abbreviata.

Hab. in locis excelsioribus Taygeti loco *Choupata* dicto (Heldreich), in *Græcia* loco non notato. (Aucher № 3334.)

Folia in formâ vulgatiori 3-6 pollicaria profundè laciñiata. Scapi 6-12 pollicares, capitula magnit. eorum *L. asperi* inter quod et *L. saxatile* medium est. A. *L. saxatili* differt pilis multò brevioribus 4-5 nec trifurcatis, scapis sæpè furcatis, capitulis plerumquè majoribus, involuci phyllis præter setas medianas pulverulento-hirtis nec glabris, ligulis magis elongatis. *L. asperum* habitu affinius distinctissimum est pilis longioribus sparsis, phyllis involucri margine eleganter pilis 5-7 fidis densissimè ciliatis et præter setas nonnullas secùs lineam medium glabris. *L. biscutellæfolium* DC. deniquè pro quo am. Spruner nostram plantam habuerat in herb. DC. observatum longè differt squamis involucri longè acuminatis subrecurvis, achenio in rostrum manifestè attenuato, et (saltem planta Italica typus speciei) probabiliter ad *L. saxatilis* formas spectat.

LEONTODON LIBANOTICUM Boiss.

L. totum indumento denso adpresso pilis brevibus densis apice 3-4